



SLUŽBENI GLASNIK OPĆINE ŽIVINICE

GODINA LIV

14. JUNI 2018. GODINE

BROJ 9

Bosna i Hercegovina
Federacija Bosne i Hercegovine
Tuzlanski kanton
OPĆINA ŽIVINICE
Općinsko vijeće
Broj: 01/3-05-4013/18
Živinice, 12.06.2018. godine

Na osnovu članova 6. i 8. Zakona o komunalnim djelatnostima ("Službene novine TK-a" br. 11/05., 7/07., 8/12., i 14/13.), člana 24. Statuta Općine Živinice-prečišćeni tekst ("Sl. glasnik Općine Živinice" br. 4/18)), članova 6. i 8. Odluke o vodosnabdijevanju i kanalizaciji na području općine Živinice br. 10-05-1361/2015. od 19.03.2015. godine („Sl. glasnik Općine Živinice“ br. 6/15), Općinsko vijeće Živinice, na sjednici održanoj dana 12.06.2018. godine, donosi

ODLUKU
o povjeravanju obavljanja komunalnih djelatnosti
Javnom preduzeću „Vodovod i kanalizacija“ d.o.o. Živinice

Član 1.

Ovom Odlukom određuju se komunalne djelatnosti koje se povjeravaju JP „Vodovod i kanalizacija“ d.o.o. Živinice (u daljem tekstu JP „ViK“ d.o.o. Živinice“) i druga pitanja od značaja za obavljanje komunalnih djelatnosti na području Općine Živinice (u daljem tekstu: Općina).

Član 2.

Komunalne djelatnosti iz člana 3. Zakona o komunalnim djelatnostima ("Službene novine Tk-a" br. 11/05., 7/07., 8/12., i 14/13.) koje se povjeravaju JP „ViK“ d.o.o. Živinice su:

1. snabdijevanje pitkom vodom; zahvatanje, prečišćavanje, kontrola kvaliteta i distribucije vode za piće vodovodnom mrežom do mjernog instrumenta korisnika, uključujući i mjerni instrument, odnosno zajednički mjerni instrument kod objekata kolektivnog stanovanja, kao i održavanje hidranata;
2. odvođenje i prečišćavanje otpadnih voda; skupljanje, odvođenje i prečišćavanje otpadnih voda od priključaka korisnika na zajedničku kanalizacionu mrežu, odnosno do prvog kontrolnog okna, tretman otpadnih voda u uređaju za prečišćavanje, crpljenje, odvoz i zbrinjavanje fekalija iz septičkih jama, te odvođenje atmosferskih voda;
3. održavanje čistoće; čišćenje i pranje javnih površina, uklanjanje snijega i poledice sa javnih površina, te sakupljanje i odvoz komunalnog otpada na uređene pretovarne stanice ili sanitarnu deponiju;
4. odlaganje komunalnog otpada; obrađivanje i trajno odlaganje komunalnog otpada na sanitarnu deponiju, otvaranje, saniranje i zatvaranje deponije po posebnim propisima;
5. održavanje javnih površina; održavanje javnih prometnih površina, pješačkih staza i pješačkih zona van zelenih površina, tragova i otvorenih odvodnih kanala, javnih zelenih površina (pješačkih staza i pješačkih zona unutar zelenih površina), hortikultura, urbanog mobilijara (javnih satova, javnih česmi, fontana i javnih nužnika), spomen parkova, dječijih igrališta, parkovskog mobilijara, žardinjera, rekreativno-zabavnog centra i zoo vrtova;
6. održavanje javnih parking prostora i javnih garaža; održavanje prostora i objekata u kojima se pružaju usluge parkiranja motornih vozila;

7. tržnice i pijace; zatvoreni i otvoreni prostori na kojima se pružaju usluge obavljanja prometa živežnim namirnicama, drugim proizvodima te uređivanje i održavanje ovih prostora;

Član 3.

JP "ViK" d.o.o. Živinice daje se, bez naknade, na upravljanje i korištenje

- sistem vodosnabdijevanja, odnosno vodovodna mreža gradskih i prigradskih naselja, koji su do donošenja ove Odluke bili povjereni, i kojima je upravljalo, odnosno koje je koristilo JKP "Komunalno" d.d. Živinice u stečaju (pravni sljednik JKP „Komunalno“ d.d. Živinice), uključujući i sve druge manje objekte koji su sastavni dio izgrađenog sistema vodosnabdijevanja - javna dobra.

- kanalizaciona mreža na području općine Živinice kao i svi objekti koji čine dio izgrađenog kanalizacionog sistema, odnosno kanalizacione mreže, koji su do donošenja ove Odluke bili povjereni i kojima je upravljalo, odnosno koje je koristilo JKP "Komunalno" d.d. Živinice u stečaju (pravni sljednik JKP „Komunalno“ d.d. Živinice) – javna dobra.

- Gradska pijaca Živinice.

Član 4.

Općina Živinice zadržava pravo vlasništva nad Gradskom pijacom Živinice, sistemom vodosnabdijevanja i kanalizacionim sistemom kao i objektima koji služe tim namjenama, dok se pravo upravljanja, korištenja i održavanja, radi ostvarenja prihoda, daje JP „ViK“ d.o.o. Živinice.

Član 5.

JP „ViK“ d.o.o. Živinice je dužno osigurati;

1. trajno i nesmetano pružanje komunalnih usluga korisnicima pod uslovima, na način i prema normativima koji su određeni zakonom i drugim propisima;
2. ispravnost i funkcionalnost komunalnih objekata i uređaja;
3. određeni kvalitet komunalnih usluga koji podrazumjeva naročito: zdravstvenu i higijensku ispravnost prema važećim propisima, standardima i normativima, zaštitu okoline i tačnost u pogledu rokova isporuke, sigurnost korisnika u dobijanju usluga;
4. razvoj i unapređenje kvaliteta asortimana komunalnih usluga, kao i unapređivanje organizacije rada, efikasnosti i drugih uslova;
5. red prvenstva u snabdijevanju komunalnih usluga u slučaju više sile, u skladu sa propisom općine;
6. mjere zaštite i obezbjeđenja komunalnih objekata, održavanje građevinskih i drugih objekata, postrojenja i opreme koji služe za obavljanje komunalnih djelatnosti.

U obavljanju povjerenih komunalnih djelatnosti, u dijelu koji nije uređen ovom Odlukom, JP „ViK“ d.o.o. Živinice dužno je postupati i primjenjivati odredbe Zakona o komunalnim djelatnostima Tk-a („Sl. novine Tk-a“ br. 11/05., 7/07., 8/12. i 14/13.), Odluke o vodosnabdijevanju i kanalizaciji na području općine Živinice br. 10-05-1361/2015. od 19.03.2015. godine („Sl. glasnik Općine Živinice“ br. 6/15) i druge propise koji reguliraju ovu materiju.

Član 6.

Za realizaciju ove Odluke zadužuje se JP „ViK“ d.o.o. Živinice.

Za nadzor nad realizaciji ove Odluke zadužuje se Služba za prostorno planiranje i komunalne poslove.

Član 7.

Danom stupanja na snagu ove Odluke, prestaju da važe sve odluke i drugi akti koji su u suprotnosti sa ovom Odlukom u dijelu koji se odnosi na upravljanje i korištenje predmetnom vodovodnom, kanalizacionom mrežom i Gradskom pijacom Živinice.

Član 8.

Ova Odluka stupa na snagu danom objavljivanja u Službenom glasniku općine Živinice, a primjenjuje se od 11.07.2018. godine.

Obrazloženje

Pravni osnov za donošenje ove Odluke sadržan je u odredbama članova 6. i 8. Zakona o komunalnim djelatnostima Tk-a („Sl. novine Tk-a“ br. 11/05., 7/07., 8/12. i 14/13.), i članova 6. i 8. Odluke o vodosnabdijevanju i kanalizaciji na području općine Živinice br. 10-05-1361/2015. od 19.03.2015. godine („Sl. glasnik Općine Živinice“ br. 6/15), u kojim propisima je određena obaveza Općine Živinice da obezbijede obavljanje komunalnih djelatnosti na svom području, odnosno da se obavljanje komunalnih djelatnosti može obezbijediti i putem javnog preduzeća komunalnih djelatnosti.

Odredbama člana 6. navedenog Zakona određeno je da općine obezbjeđuju obavljanje komunalnih djelatnosti, a članom 8. stav 1. tačka a. određeno je da Općine obezbjeđuju obavljanje komunalnih djelatnosti putem javnog preduzeća komunalnih djelatnosti.

Odredbama člana 8. Odluke o vodosnabdijevanju i kanalizaciji na području općine Živinice br. 10-05-1361/2015. od 19.03.2015. godine („Sl. glasnik Općine Živinice“ br. 6/15) propisano je da izgrađene javne vodovodne i kanalizacione uređaje na području općine Živinice, općina predaje na korištenje i upravljanje pravnom licu kome je povjereno upravljanje vodovodima i kanalizacijom, dok je članom 6. propisano da vodne objekte za vodosnabdijevanje potrošača u općini, općina svojom odlukom povjerava na upravljanje i korištenje pravnom licu u skladu sa propisima o komunalnoj djelatnosti.

Takođe, u donošenju ove Odluke Općinsko vijeće se rukovalo i činjenicom da do danas nije donijeta odluka koja je na odgovarajući način uredila oblast obavljanja komunalnih djelatnosti, na području Općine Živinice, ali cijeneći i novonastalu situaciju (pokretanje stečajnog postupka) u JKP „Komunalno“ d.d. Živinice, koje je do danas obavljalo poslove upravljanja i korištenja predmetne vodovodne i kanalizacione mreže.

Otvaranje i pokretanje stečajnog postupka nad ovim Preduzećem, može neposredno, u narednom periodu, ugroziti uredno vodosnabdijevanje i odvodnju fekalnih voda na području Općine Živinice kao i upravljanje Gradskom pijacom. U prilog navedenom ide i činjenica da je stečajni upravnik JKP „Komunalno“ d.d. Živinice u stečaju obavjestio Službu za prostorno planiranje i komunalne poslove Općine Živinice da, zbog odluka koje su donesene na Skupštini povjerilaca, odnosno poremećaja u radu i poslovanju, nije u mogućnosti da pruža komunalne usluge na području Općine Živinice, te da će nastaviti obavljanje poslova vodosnabdijevanja, upravljanja pijacom, održavanje higijene grada, i pročišćavanjem otpadnih voda do 10.07.2018. godine, a poslove odvoza i zbrinjavanja otpada do 31.05.2018. godine, nakon čega će prestati sa obavljanjem navedenih djelatnosti, a sve u skladu sa sudskim odlukama.

Upravo ovakvo činjenično stanje, kada su u pitanju ove komunalne djelatnosti, obavezuje, a odredbe navedenih propisa ovlašćuju Općinsko vijeće Živinice da riješi i uredi pitanje upravljanja i korištenja predmetnom vodovodnom i kanalizacionom mrežom, odnosno Gradskom pijacom Živinice, putem javnog preduzeća koje je u 100% vlasništvu Općine Živinice i koje takođe obavlja komunalne djelatnosti iz Zakona o komunalnim djelatnostima TK-a, i na taj način osigura i dalje nesmetano vodosnabdijevanje i odvodnju fekalnih voda na području ove Općine.

Cijeneći gore navedeno i na osnovu pobrojanih propisa, Općinsko vijeće Živinice je donijelo odluku kao u dispozitivu.

**Predsjedavajući Općinskog vijeća
Hamdija Numanović,s.r.**

Bosna i Hercegovina
Federacija Bosne i Hercegovine
Tuzlanski kanton
OPĆINA ŽIVINICE
Općinsko vijeće
Broj: 01/3-05-4010/18
Živinice, 12.06.2018. godine

Na osnovu člana 13. Zakona o principima lokalne samouprave FBiH ("Sl. novine FBiH" br. 49/06. i 51/09) i člana 24. Statuta Općine Živinice-prečišćeni tekst ("Sl. glasnik Općine Živinice" br. 4/18) Općinsko vijeće Živinice, na sjednici održanoj dana 12.06.2018. godine, donosi

ODLUKU

Član 1.

U Odluci o proglašenju javnog dobra br. 10-05-686/2010. od 25.01.2010. godine u članu 5., riječi „JKP „Komunalno“ d.d. Živinice“ zamjenjuju se riječima „JP „Vodovod i kanalizacija“ d.o.o. Živinice“.

Član 2.

Ova Odluka stupa na snagu danom donošenja i objavit će se u "Službenom glasniku općine Živinice".

Obrazloženje

Pravni osnov za donošenje Odluke sadržan je u odredbama člana 13. Zakona o principima lokalne samouprave i člana 24. Statuta Općine Živinice-prečišćeni tekst koji propisuju nadležnost Općinskog vijeća Živinice.

Odredbama člana 13. Zakona o principima lokalne samouprave FBiH, određeno je da općinsko vijeće obavlja i druge poslove utvrđene zakonom i statutom, a članom 24. Statuta Općine Živinice-prečišćeni tekst određeno je da općinsko vijeće donosi odluke i druge opće akte kojima uređuje pitanja iz samoupravnog djelokruga Općine.

Takođe, odredbama člana 5. Odluke o proglašenju javnog dobra br. 10-05-686/2010. od 25.01.2010. godine određeno je da "Općina Živinice, javna vodna dobra, odnosno javna dobra povjerit će na korištenje i upravljanje JKP "Komunalno" d.d. Živinice, na osnovu posebnog ugovora, koji će se zaključiti u roku od 90. dana od dana stupanja na snagu odluke".

Obzirom da u ostavljenom roku nije zaključen predmetni ugovor, kao i činjenicu da su predmetna javna dobra ustupljena na korištenje i upravljanje JP „Vodovod i kanalizacija“ d.o.o. Živinice, iz navedenih razloga je Općinsko vijeće Živinice donijelo navedenu Odluku.

**Predsjedavajući
Općinskog vijeća**

Hamdija Numanović, s.r.

Bosna i Hercegovina
Federacija Bosne i Hercegovine
Tuzlanski kanton
OPĆINA ŽIVINICE
Općinsko vijeće
Broj: 01/3-05-4012/18
Živinice, 12.06.2018. godine

Na osnovu člana 13. Zakona o principima lokalne samouprave FBiH ("Sl. novine FBiH" br. 49/06. i 51/09), člana 24. i 118. Statuta Općine Živinice-prečišćeni tekst ("Sl. glasnik Općine Živinice" br. 4/18), Općinsko vijeće Živinice, na sjednici održanoj dana 12.06.2018. godine, donosi

ODLUKU

o ustupanju osnovnog sredstva na upravljanje

Član 1.

Općina Živinice ustupa bez naknade JP „Vodovod i kanalizacija” d.o.o. Živinice, na upravljanje sljedeće osnovno sredstvo:

-Postrojenje za tretman otpadnih voda (WWTP) Živinice, Strašanj bb, sa kancelarijama za sjedište JP “Vodovod i kanalizacija”d.o.o. Živinice u knjigovodstvenoj vrijednosti na dan 02.04.2015. godine u iznosu od 11.406.108,16 KM, umanjena za troškove amortizacije na dan donošenja ove Odluke.

Član 2.

JP “Vodovod i kanalizacija” d.o.o. Živinice, u poslovnim knjigama, vodit će ustupljeno osnovno sredstvo iz prethodnog člana kao “tuđe osnovno sredstvo”.

Član 3.

JP “Vodovod i kanalizacija” d.o.o. Živinice, ima obavezu da prema ustupljenom osnovnom sredstvu postupa sa pažnjom dobrog privrednika kako bi ono bilo u funkcionalnom stanju.

Član 4.

JP “Vodovod i kanalizacija” d.o.o. Živinice ima pravo, prihode nastale usljed rada ustupljenog osnovnog sredstva, smatrati vlastitim prihodima.

Član 5.

JP “Vodovod i kanalizacija” d.o.o. Živinice snosi sve troškove rada, tekućeg održavanja ustupljenog osnovnog sredstva, osim troškova električne energije i investicionog ulaganja.

Član 6.

Općina Živinice zadržava pravo vlasništva nad ustupljenim osnovnim sredstvom iz člana

1. ove Odluke i snosi troškove amortizacije.

Član 7.

Donošenjem ove Odluke prestaje da važi Odluka o ustupanju osnovnog sredstva na upravljanje br. 10-05-2256-1. od 09.04.2015. godine, kao i pravni poslovi zaključeni na osnovu navedene Odluke.

Član 8.

Primopredaja Postrojenja za tretman otpadnih voda (WWTP) Živinice između JKP „Komunalno“ d.d. Živinice u stečaju i JP „Vodovod i kanalizacija“ d.o.o. Živinice izvršit će se, bez odlaganja, u prisustvu Komisije koja je dužna da sačini zapisnik o primopredaji.

Po jednog člana Komisije iz prethodnog stava će delegirati Općina Živinice, JKP „Komunalno“ d.d. Živinice i JP „Vodovod i kanalizacija“ d.o.o. Živinice.

Član 9.

Ovlašćuje se Općinski načelnik da može poduzimati sve pravne radnje za realizaciju ove Odluke, i to: raskinuti postojeći Ugovor sa JKP „Komunalno“ d.d. Živinice u stečaju (kao pravnim sljednikom JKP „Komunalno“ d.d. Živinice) o ustupanju osnovnog sredstva - Postrojenja za tretman otpadnih voda (WWTP) Živinice na korištenje od 20.01.2016. godine, a zatim zaključiti novi ugovor o ustupanju ovog sredstva bez naknade sa JP „Vodovod i kanalizacija“ d.o.o. Živinice.

Član 10.

Ova Odluka stupa na snagu danom donošenja, a objavit će se u Službenom glasniku općine Živinice.

Obrazloženje

Pravni osnov za donošenje Odluke sadržan je u odredbama člana 13. Zakona o principima lokalne samouprave i člana 24. Statuta Općine Živinice-prečišćeni tekst koji propisuju nadležnost Općinskog vijeća Živinice.

Odredbama člana 13. Zakona o principima lokalne samouprave FBiH i članom 24. Statuta Općine Živinice-prečišćeni tekst određeno je da općinsko vijeće donosi odluku o upravljanju i raspolaganju očinskom imovinom, odnosno imovinom u jedinice lokalne samouprave.

Obzirom da je postrojenje za tretman otpadnih voda, u cjelosti vlasništvo Općine Živinice Općinsko vijeće je donijelo navedenu Odluku.

Predsjedavajući Općinskog vijeća

Hamdija Numanović,s.r.

Bosna i Hercegovina
Federacija Bosne i Hercegovine
Tuzlanski kanton
OPĆINA ŽIVINICE
Općinsko vijeće
Broj: 01/3-05-4011/18
Živinice, 12.06.2018. godine

Na osnovu člana 13. Zakona o principima lokalne samouprave FBiH ("Sl. novine FBiH" br. 49/06. i 51/09) i člana 24. Statuta Općine Živinice-prečišćeni tekst ("Sl. glasnik Općine Živinice" br. 4/18), Općinsko vijeće Živinice na sjednici održanoj dana 12.06.2018. godine, donosi

ODLUKU
o upravljanju Gradskom pijacom

Član 1.

Upravljanje Gradskom pijacom Živinice povjerava se JP „Vodovod i kanalizacija“ d.o.o. Živinice.

Član 2.

Primopredaja Gradske pijace Živinice između JP „Horizontala-Živinice“ d.o.o. Živinice i JP „Vodovod i kanalizacija“ d.o.o. Živinice izvršit će se, bez odlaganja, u prisustvu Komisije koja je dužna da sačini zapisnik o primopredaji.

Po jednog člana Komisije iz prethodnog stava će delegirati Općina Živinice, JP „Horizontala-Živinice“ d.o.o. Živinice i JP „Vodovod i kanalizacija“ d.o.o. Živinice.

Član 3.

Donošenjem ove Odluke stavlja se van snage Odluka o izmjeni i dopuni Odluke o povjeravanju javnih ovlaštenja broj 010-05-4915/05 od 17.10.2005.godine.,objavljena u Službenom glasniku broj 5/2014,broj 10-05-1615/2014,od 26.03.2014.godine.

Član 4.

Ova Odluka stupa na snagu danom donošenja i objavit će se u "Službenom glasniku općine Živinice".

Predsjedavajući Općinskog vijeća

Hamdija Numanović,s.r.

Na osnovu člana 118. Statuta općine Živinice («Sl. glasnik općine Živinice», br. 4/2012), Općinsko vijeće Živinice, na prijedlog Komisije za odlikovanja i priznanja, na Vanrednoj sjednici održanoj dana 12.6.2018. godine, d o n o s i

O D L U K U O DODJELI OPĆINSKIH PRIZNANJA I NAGRADA

Član 1.

Za značajan doprinos u razvoju općine Živinice u raznim oblastima društvenog života i rada a u povodu obilježavanja 19.6. – Dana općine Živinice dodjeljuje se:

I – Općinsko priznanje «PISMENA POHVALA»

1. Damir Halilović
2. Salih Mulavdić
3. Ibrahim (Šemso) Kozarević
4. Šemsudin Sarajlić
5. Šefik Muminović
6. Nermina Mahmutbegović
7. Šemsudin Dahić

II – Općinsko priznanje «PISMENA ZAHVALNICA»

1. Muharem Jahić,
2. Hadži Ćazim ef. Čičkušić - posthumno,
3. Seudin Numanović
4. Fahrudin Goletić
5. Marko Babić
6. Muharem Čerkezović
7. Hajrudin Maslić

III – NOVČANA NAGRADA

1. Mirsad (Alija) Salihović
2. Mehmed (Haso) Brčaninović
3. Mevludin Aljić
4. Ševkija Kadrić
5. Abdulah Mahmutović
6. Osmo Smajić

Član 2.

Ova Odluka stupa na snagu danom donošenja a objavit će se u «Službenom glasniku općine Živinice».

Bosna i Hercegovina
Federacija Bosne i Hercegovine
Tuzlanski kanton
Općina Živinice
- Općinsko vijeće -
Broj: 01/3-05-3996/2018
Dana, 12.6.2018. godine

PREDSJEDAVAJUĆI
OPĆINSKOG VIJEĆA ŽIVINICE

Hamdija Numanović,s.r.

Na osnovu člana 118. Statuta općine Živinice («Sl. glasnik općine Živinice», br. 4/2012) i člana 7. Odluke o spomen plaketi općine Živinice («Sl. glasnik općine Živinice», br. 5/01), Općinsko vijeće Živinice na prijedlog Komisije za priznanja i odlikovanja, na Vanrednoj sjednici održanoj dana 12.6.2018. godine, d o n o s i

O D L U K U
O DODJELI OPĆINSKOG PRIZNANJA
«SPOMEN PLAKETA OPĆINE ŽIVINICE»
(ZLATNA, SREBRNA I BRONZANA)

Član 1.

Za naročit doprinos u borbi za slobodu Bosne i Hercegovine, očuvanje demokratije, zaštite osnovnih prava i sloboda čovjeka, razvitka privrede, obrazovanja i odgoja, nauke, umjetnosti, sporta i drugim oblastima života i rada na području općine Živinice, a u povodu obilježavanja 19.6. – Dana općine Živinice, najviše općinsko priznanje «Spomen plaketa općine Živinice (zlatna, srebrna i bronzana)» dodjeljuju se:

I – Spomen plaketa općine Živinice – bronzana

1. NK "Toplice"
2. Drago Jakić
3. Elvir Rahimić
4. Edhem Beširović

II – Spomen plaketa općine Živinice – srebrna

1. Salih Delić,
2. Ramo Mešanović
3. Mehmed Butković
4. Faik Ikanović

III – Spomen plaketa općine Živinice – zlatna

1. Refik Bulić
2. Fehim Taletović
3. Elvir Muratović - posthumno
4. Muhamed Umihanić - posthumno

Član 2.

Ova Odluka stupa na snagu danom donošenja a objavit će se u «Službenom glasniku općine Živinice».

Bosna i Hercegovina
Federacija Bosne i Hercegovine
Tuzlanski kanton
Općina Živinice
- Općinsko vijeće -

PREDSJEDAVAJUĆI
OPĆINSKOG VIJEĆA ŽIVINICE

Hamdija Numanović,s.r.

Broj: 01/3-05-3997/2018
Dana, 12.6.2018. godine

Na osnovu člana 118. Statuta općine Živinice («Sl. glasnik općine Živinice», br. 4/2012), a u vezi sa članom 3. Odluke o počasnom građaninu općine Živinice («Sl. glasnik općine Živinice», br. 5/01), Općinsko vijeće Živinice na Vanrednoj sjednici održanoj dana 12.6.2018. godine, na prijedlog Komisije za odlikovanja i priznanja, d o n o s i

O D L U K U
O proglašavanju dobitnika priznanja
«POČASNI GRAĐANIN OPĆINE ŽIVINICE»

Član 1.

U povodu obilježavanja Dana Općine, Općinsko vijeće donosi Odluku o proglašavanju dobitnika priznanja «Počasni građanin općine Živinice»

Bešlić Suad iz Kalesije.

Član 2.

Odluka stupa na snagu danom donošenja a objavit će se u «Službenom glasniku općine Živinice».

Bosna i Hercegovina
Federacija Bosne i Hercegovine
Tuzlanski kanton
Općina Živinice
- Općinsko vijeće -
Broj: 01/3-05-3998/2018
Dana, 12.6.2018. godine

PREDSJEDAVAJUĆI
OPĆINSKOG VIJEĆA

Hamdija Numanović,s.r.

Na osnovu člana 2. Zakona o ministarskim, vladinim i drugim imenovanjima („Sl. novine FBiH“ br. 12/03 i 34/03), člana 1, 4. i 7. Zakona o izmjenama i dopunama Zakona o ministarskim, vladinim i drugim imenovanjima („Sl. Novine F BiH“, br. 65/13), a u skladu sa odredbama Odluke o izmjenama i dopunama Odluke o utvrđivanju Standarda i kriterija za imenovanja na upražnjene pozicije u reguliranim tijelima općine Živinice i na osnovu člana 24. Statuta općine Živinice - prečišćeni tekst („Službeni glasnik općine Živinice“, br. 4/18), Općinsko vijeće Živinice na sjednici održanoj 12.6.2018. godine, d o n o s i

O D L U K U

o imenovanju predsjednika i članova privremene Skupštine JP „VODOVOD I KANALIZACIJA“ ŽIVINICE

I

Imenuju se predsjednik i članovi privremene Skupštine JP „Vodovod i kanalizacija“ Živinice, u sljedećem sastavu:

1. Muhamed Jahić, predsjednik
2. Edin Hadžić, član
3. Sead Brčaninović, član

II

Predsjednik i članovi privremene Skupštine imenuju se na period od najviše 3 mjeseca.

III

Odluka stupa na snagu danom donošenja i objavit će se u „Službenom glasniku općine Živinice“.

O B R A Z L O Ž E N J E

Zakonom o izmjenama i dopunama Zakona o ministarskim, vladinim i drugim imenovanjima F BiH u članu 1. regulisano je pitanje odgovornog javnog službenika tako što je rečeno da je odgovorni javni službenik osoba ili organ koji je osnovao navedeni regulirani organ. Ako je regulirani organ ili organe osnovao Parlament F BiH, Skupština Kantona, Skupština grada ili Općinsko vijeće tada je odgovorni javni službenik Parlament F BiH, Skupština Kantona, Skupština grada ili Općinsko vijeće.

Bosna i Hercegovina
Federacija Bosne i Hercegovine
Tuzlanski kanton
Općina Živinice
- Općinsko vijeće -

**PREDSJEDAVALAČI
OPĆINSKOG VIJEĆA ŽIVINICE**

Hamdija Numanović, s.r.

Broj: 01/3-05-4014/2018
Dana, 12.6.2018. godine

Na osnovu člana 2. Zakona o ministarskim, vladinim i drugim imenovanjima („Sl. novine FBiH“ br. 12/03 i 34/03), člana 1, 4. i 7. Zakona o izmjenama i dopunama Zakona o ministarskim, vladinim i drugim imenovanjima („Sl. novine F BiH“, br. 65/13), a u skladu sa odredbama Odluke o izmjenama i dopunama Odluke o utvrđivanju Standarda i kriterija za imenovanja na upražnjene pozicije u reguliranim tijelima općine Živinice i na osnovu člana 24. Statuta općine Živinice - prečišćeni tekst („Službeni glasnik općine Živinice“, br. 4/18), Općinsko vijeće Živinice na sjednici održanoj 12.6.2018. godine, d o n o s i

ODLUKU o davanju saglasnosti

Član 1.

Ovom Odlukom daje se saglasnost Skupštini JP „Vodovod i kanalizacija“ Živinice za imenovanje privremenog Nadzornog odbora JP „Vodovod i kanalizacija“ Živinice u sastavu:

1. Selvir Umihanić, predsjednik
2. Šefik Softić, član i
3. Adnel Taletović, član.

Član 2.

Mandat privremenog Nadzornog odbora traje najviše 3 mjeseca.

Član 3.

Ova Odluka stupa na snagu danom donošenja a objavit će se u „Službenom glasniku općine Živinice“.

OBRAZLOŽENJE

Zakonom o izmjenama i dopunama Zakona o ministarskim, vladinim i drugim imenovanjima F BiH u članu 1. regulisano je pitanje odgovornog javnog službenika tako što je rečeno da je odgovorni javni službenik osoba ili organ koji je osnovao navedeni regulirani organ. Ako je regulirani organ ili organe osnovao Parlament F BiH, Skupština Kantona, Skupština grada ili Općinsko vijeće tada je odgovorni javni službenik Parlament F BiH, Skupština Kantona, Skupština grada ili Općinsko vijeće.

Bosna i Hercegovina
Federacija Bosne i Hercegovine
Tuzlanski kanton
Općina Živinice
- Općinsko vijeće -

PREDSJEDAVAJUĆI
OPĆINSKOG VIJEĆA ŽIVINICE

Hamdija Numanović, s.r.

Broj: 01/3-05-4015/2018
Dana, 12.6.2018. godine

Na osnovu člana 2. Zakona o ministarskim, vladinim i drugim imenovanjima („Sl. novine FBiH“ br. 12/03 i 34/03), člana 1, 4. i 7. Zakona o izmjenama i dopunama Zakona o ministarskim, vladinim i drugim imenovanjima („Sl. Novine F BiH“, br. 65/13), a u skladu sa odredbama Odluke o izmjenama i dopunama Odluke o utvrđivanju Standarda i kriterija za imenovanja na upražnjene pozicije u reguliranim tijelima općine Živinice i na osnovu člana 24. Statuta općine Živinice - prečišćeni tekst („Službeni glasnik općine Živinice“, br. 4/18), Općinsko vijeće Živinice na prijedlog Općinskog načelnika, na sjednici održanoj 12.6.2018. godine, d o n o s i

O D L U K U
o imenovanju privremenog člana Upravnog odbora
JZU "DOM ZDRAVLJA" ŽIVINICE

I

Imenuje se privremeni član Upravnog odbora JZU „Dom zdravlja“ Živinice,

Mevludin Ferhatović.

II

Privremeni član Upravnog odbora imenuje se na period od najviše 3 mjeseca.

III

Odluka stupa na snagu danom donošenja i objavit će se u „Službenom glasniku općine Živinice“.

Bosna i Hercegovina
Federacija Bosne i Hercegovine
Tuzlanski kanton
Općina Živinice
- Općinsko vijeće -

PREDSJEDAVAJUĆI
OPĆINSKOG VIJEĆA ŽIVINICE

Hamdija Numanović,s.r.

Broj: 01/3-05-4016/2018
Dana, 12.6.2018. godine

Bosna i Hercegovina
Federacija Bosne i Hercegovine
Tuzlanski kanton
OPĆINA ŽIVINICE
Općinski načelnik
Broj: 01/2-05-89-1725/18
Živinice, 04.06.2018. godine

Na osnovu člana 15. Zakona o principima lokalne samouprave u Federaciji BiH ("Službene novine Federacije BiH", broj: 49/06 i 51/09) i člana 38. Statuta općine Živinice – prečišćen tekst ("Službeni glasnik općine Živinice," broj 4/18), Općinski načelnik d o n o s i

PRAVILNIK
o izmjeni i dopuni Pravilnika o dodjeli sredstava iz budžeta općine Živinice za finansiranje projekata i programa nevladinih organizacija i udruženja i izvještavanju o utrošenim sredstvima

Član 1.

Ovim Pravilnikom vrši se izmjena i dopuna Pravilnika o dojedli sredstava iz budžeta općine Živinice za finansiranje projekata i programa nevladinih organizacija i udruženja i izvještavanju o utrošenim sredstvima br. 01/2-05-89-925/18. od 13.04.2018. godine („Službeni glasnik općine Živinice br. 6/18.), na način da se u članu 2.stav 2. navedenog Pravilnika;

umjesto teksta koji glasi;

„Dokumente iz stava 1. ovog člana organizacije i udruženja dostavljaju u Centar za pružanje usluga građanima (Šalter sala) općine Živinice, a podnesak sa dokumentima naslovljavaju na Viši samostalni referent u Službi za opću upravu i društvene djelatnosti općine Živinice za sport, rad sa NVO, pitanja nacionalnih manjina i odnose sa vjerskim zajednicama (u daljem tekstu ovog Pravilnika Odgovorna osoba)“

unosil se tekst koji glasi;

„Dokumente iz stava 1. ovog člana organizacije i udruženja dostavljaju u Centar za pružanje usluga građanima (Šalter sala) općine Živinice, a podnesak sa dokumentima naslovljavaju i po istim postupima Viši samostalni referent za obrazovanje, zdravstvo, kulturu i odnose sa vjerskim zajednicama, a u njegovoj odsutnosti Stručni saradnik za mlade, sport i NVO u Službi za opću upravu, društvene djelatnosti, boračko-invalidsku zaštitu i raseljene osobe općine Živinice (u daljem tekstu Odgovorna osoba)“.

U ostalom dijelu Pravilnika;

umjesto teksta koji glasi;

Služba za opću upravu i društvene djelatnosti

unos se tekst koji glasi;

Služba za opću upravu, društvene djelatnosti, boračko-invalidsku zaštitu i raseljene osobe

Ostali dio Pravilnika ostaje neizmijenjen.

Član 2.

Ovaj Pravilnik stupa na snagu danom donošenja i objavit će se u Službenom glasniku općine Živinice.

Općinski načelnik

dr. sc. Samir Kamenjaković

**„Službeni glasnik Općine Živinice“
broj: 9/2018**

SADRŽAJ

I - AKTI OPĆINSKOG VIJEĆA

1. Odluka o povjeravanju obavljanja komunalnih djelatnosti Javnom preduzeću “Vodovod i kanalizacija” d.o.o. Živinice.....	2
2. Odluka o davanju na upravljanje i korištenje javnog dobra vodovodne i kanalizacione mreže.....	5
3. Odluka o ustupanju osnovnog sredstva na upravljanje.....	6
4. Odluka o upravljanju Gradskom pijacom.....	8
5. Odluka o dodjeli općinskih priznanja i nagrada.....	9
6. Odluka o dodjeli općinskog priznanja “Spomen plaketa općine Živinice” (zlatna, srebrna i bronzana).....	10
7. Odluka o proglašavanju dobitnika priznanja “Počasni građanin općine Živinice”.....	12
8. Odluka o imenovanju predsjednika i članova privremene Skupštine JP “Vodovod i kanalizacija” Živinice.....	13
9. Odluka o davanju saglasnosti Skupštini JP “Vodovod i kanalizacija” Živinice za imenovanje privremenog Nadzornog odbora.....	14
10. Odluka o imenovanju privremenog člana Upravnog odbora JZU Dom zdravlja Živinice...	

II - AKTI OPĆINSKOG NAČELNIKA

11. Pravilnik o izmjeni i dopuni Pravilnika o dodjeli sredstava iz budžeta općine Živinice za finansiranje projekata i programa nevladinih organizacija i udruženja i izvještavanju o utrošenim sredstvima.....	15
---	----

**“Službeni glasnik općine Živinice” uređuje: Stručna služba općinskog vijeća Živinice
Odgovorni urednik i lektori: Suad Avdagić, Nermina Mahmutbegović i Mersiha Zahirović
Tehnička priprema i štampa: Služba za opću upravu i društvene djelatnosti
Kontakt informacije: 035/743-392, ovijece@opcinazivinice.ba**